



**PREDSJEDNIK KLUBA ZASTUPNIKA
STRANKE ZA BOSNU I HERCEGOVINU
MUAMER BANDIĆ
muamer.bandic@ks.gov.ba**

**BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA**

Predsjedavajući Skupštine Kantona Sarajevo

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka), pokrećem:

ZASTUPNIČKU INICIJATIVU

Prema Vladi Kantona Sarajevo

1. Zadužuje se Vlada Kantona Sarajevo, Ministarstvo za nauku, visoko obrazovanje i mlade i Ministarstvo finansija, da obezbijede posebne upisne kvote za studente sa poteškoćama, a koji žele da nastave školovanje na visokoškolskim ustanovama koje se bave i nastavnim i istraživačkim radom i koje nude akademske stepene sva tri ciklusa.
2. Zadužuje se Vlada Kantona Sarajevo, Ministarstvo za nauku, visoko obrazovanje i mlade i Ministarstvo finansija da studentima iz tačke 1. ove inicijative obezbijedi neophodne asistente koji će im pomoći u školovanju.

O B R A Z L O Ž E N J E

Pravo na obrazovanje uključuje i svaku vrstu nediskriminacije, što znači da osobama sa invaliditetom ili posebnim potrebama pripadaju sva prava propisana domaćim i međunarodnim dokumentima. Pored obaveze da uskladi domaće zakonodavstvo sa međunarodnim normama i konvencijama koje smo prihvatili, BiH je obavezna da i u praktičnoj primjeni vodi računa koliko su vulnerabilne skupine, kao što su osobe sa invaliditetom ili posebnim potrebama, uključene u sistem i koliko im je od propisanih prava stvarno dostupno. Jedan od ciljeva unapređenja kvaliteta života osoba sa invaliditetom je i izjednačavanje mogućnosti pristupa visokoškolskim ustanovama, čime se poboljšava uključivanje ovih osoba u društvo zasnovano na znanju.

Okvirni Zakon o visokom obrazovanju Bosne i Hercegovine (Službeni glasnik BiH, broj:59/07), propisuje da visokoškolska institucija ne smije vršiti diskriminaciju po bilo kojoj osnovi, uključujući i invaliditet. Visokoškolske ustanove u našoj zemlji imaju dužnost da studente sa invaliditetom ili

posebnim potrebama ne tretiraju nepovoljnije nego one bez invaliditeta, te imaju obavezu da preuzmu razumne prilagodbe za sve studente i da im osiguraju uslove kojima će spriječiti njihov nepovoljan položaj sa onima koji nemaju invaliditet ili posebne potrebe.

Obrazovanje je osnovni preduvjet u obezbjeđivanju socijalne uključenosti i neovisnosti svih osoba, uključujući i osobe s invaliditetom. U Rezoluciji Vijeća Evrope o izjednačavanju mogućnosti za učenike i studente u obrazovanju i osposobljavanju navodi se da trebamo ohrabriti i podržati njihovu punu integraciju u društvo kroz odgovarajuću edukaciju i trening, i uključivanje u obrazovni sistem koji je prilagođen njihovim potrebama.

Zbog svega navedenog, molim da se inicijativa prihvati.

PREDSJEDNIK KLUBA
ZASTUPNIKA STRANKE ZA BIH



Muamer Bandić

